

摘藻堂四庫全書薈要

集部

欽定四庫全書薈要

集部

御定歷代題畫詩類卷九十一

詳校官原任主事臣李斯咏

欽定四庫全書薈要

御定歷代題畫詩類卷九十一目錄

禾麥蔬果類

題劉伯山蕃殖圖

宋楊萬里二首

嘉禾圖

元袁楠

題忻州嘉禾圖

元吳澄二首

題萬知府瑞麥圖

元王惲

題灌畦圖

元馬臻



陶真菜 宋王安石

宣和御畫紫芥 元牟獻

墨菜畫卷 元吳鎮

寫菜 元吳鎮

題松菜圖 元陳高

題菜 元貢性之二首

梅道人墨菜 元錢惟善

畫菜 元丁鶴年

畫松菜 元丁鶴年

題畫菜 元陶宗儀三首

題墨菜 元盧昭

墨菜 元邵貫

墨菜 元吳璋

墨菜 元曹紹

墨菜 元吳溫

墨菜 元張顯

墨菜 元夏文彥

墨菜 元李明復

墨菜 元楊紘孫

墨菜 元顧舜舉

墨菜 元王務道

題畫菜戲呈石末公 明劉基

尹明府所藏徐熙嘉蔬圖 明高啓

題畫菜 明錢宰二首

畫菜 明凌雲翰

畫菜 明邱潛

畫菜 明李東陽

題菜 明謝鐸

畫菜 明任衡

畫菜 明程敏政三首

題畫菜 明戴瑨

畫菜 明謝廷柱

題白菜 明謝士元

畫菜 明周用

孫方伯青芥白芥畫 明康海

叔祥畫菜酷有生態不減宋王參差恨不令老坡

見之 明陳繼儒

題甘瓜 宋范成大

摘瓜圖 元元好問二首

題趙涼公瑞瓜圖 元黃潛

錢舜舉瓜蔓圖

元鄧文原

題黃與可所藏錢舜舉瓜圖

元虞集

畫瓜

元唐肅

題瓜鼠圖

元馬臻

絲瓜圖

明張以寧

題畫瓜

明聶大年

畫瓜

明李東陽

題秋茄圖

元錢選

題錢舜舉畫竹萌茄蔬圖 元馬臻

錢舜舉畫菰茄 明張以寧

畫茄 明周用

題張叔清采菰圖 元陶宗儀

題曹憲副採蓴卷 明楊廉

題採菱圖 明王璉

採菱圖 明杜瓊

題趙丞瑞薏苡圖 宋呂居仁

畫蘿蔔

元丁鶴年

東昌道中偶閱畫冊

明吳寬七首

題畫贈劉丞西渠子

明廖道南四首

欽定四庫全書薈要卷一萬九千一百九十九

集部

御定歷代題畫詩類卷九十一

禾麥蔬果類

題劉伯山蕃殖圖

畫禾黍桂
菽麥二首

宋

楊萬里

老子平生只荷鋤
誤攜破硯到清都
歸來荒却西疇盡
媿見劉家蕃殖圖

黃雲翠英雜玄珠
上熟今年不負渠
說似田家早收拾
一番風雨一番疎

嘉禾圖

元 袁 桷

土膏滲陽春連畛垂黃雲仁聲九垓被地瑞昭人文穰
穰大同郡嘉穗表奇芬擢莖秀雙歧駢首誓不分稊聯
珠琲光苞簇綵綬紋老農喜視之神化非耕耘維皇調
玉燭歲功合氤氲帝力猷畝深擊壤歌放勛圖成上金
匱寶軸森香芸侍臣丹筆工秉心述前聞願旅天子命
補亡追典墳

題忻州嘉禾圖

二首

元 吳 澄

嘉禾異卉瑞重重
狼走蝗飛出境中
可是賢侯多美政
民和潛與地天通

天賞循良有異能
故將諸物表休徵
作圖合叩天閭進
閭吏佯聾喚不應

題萬知府瑞麥圖

二岐至五岐者

元王惲

汝南今歲麥連雲
一氣祥蒸德化循
春露潤含千壠秀
薰風披拂五岐新
嘉禾共穎宜同頌
神草聯莖恐漫珍
旌異潁川元有例
會聽增秩佐經綸

題灌畦圖

元馬臻

悠悠世道久離淳
機械雖多慮轉深
野老灌畦甘抱甕
可憐端木未知心

陶墳菜

宋王安石

江南種菜漫阡陌
紫芥綠菘何所直
陶生畫此共言好
一幅往往黃金百
北山老圃不外慕
但守荒畦斲荊棘
陶生養目渠養腹
各以所能為物役

宣和御畫紫芥

元年獻

荒園老蔓菁空見根葉大苦硬螫人口棄去何足賴
穰來萬蟻微醒有餘嘔

墨菜畫卷

元 吳 鎮

松根脫地翠毛濕雪花翻匙玉肪泣蕪菁金谷暗塵土
美人壯士何顏色山人久刮龜毛羶囊空不貯揶揄錢
屠門大嚼知流涎淡中滋味吾所便元脩元脩今幾年
一笑不直東坡前

寫菜

元 吳 鎮

菜葉闌干長花開黃金細直須齧到根方識澹中味

題菘菜圖

元 陳 高

栗里園荒舊日歸手栽菘菜雨根肥只今客裏看圖畫
惆悵紅塵滿目飛

題菜

二首

元 貢性之

西風吹動錦爛斑曉起窺園露未乾三日宿醒醒不得
正思風味到辛盤

雨過畦蔬綠漸勻呼童小摘慰情親箇中滋味如諳得

不是尋常肉食人

梅道人墨菜

元 錢惟善

晚松香凝墨池濕畦菜摘盡春雨泣梅花菴中吳道人
寫遍羣蔬何德色怪我坐客寒無羶牀頭却有買菜錢
四時之蔬悉佳味乃知此等吾尤便有客忽携畫卷至
一笑落筆南風前

畫菜

元 丁鶴年

疏畦新雨過小摘稱君貧若入君王夢瓊林第一人

畫松菜

元 丁鶴年

老圃青青田平生未飽諳本無食肉相豈是厭肥甘

題畫菜

二首

元 陶宗儀

蘆菔生兒菜有孫露芽雨甲媚盤飧自知肉食非吾相

抱瓮何辭日灌園

繞屋蔬畦稱食貧雨餘齊茁翠苗新山庖頗頗殊風致
天上酥醅未足珍

題畫菜

元 陶宗儀

曉起畦丁送長齋思益清平生耽此味厭說五侯鯖

題墨菜

元 盧 昭

薇生西河阿茶生南原下結根各有地不與同甘苦薇
老不可食茶今復如飴甘苦有時易貴在知者知

墨菜

元 邵 貫

雨苗風葉綠董董纖手青絲出漢宮滿眼蒼生總如此
忍看塗抹畫圖中

墨菜

元 吳 璋

天瀉乳膏沐黃壤老圃嘉蔬日應長菁青苴紫菲出黃
白酒初熟與君嘗由來此味良不俗清真絕勝廟堂肉
酒酣耳熱歌采薇倚闌注目江雲飛

墨菜

元
曹 紹

吾家疏菴瀼水濱老圃生涯不計春食肉何如食鮭好
從渠自說庾郎貧

墨菜

元
吳 溫

魚有腥多肉有羶庾郎菜味正相便山中雨後春雲暖

飽向松牕榻上眠

墨菜

元 張顥

只宜滋澹泊安足奉膏粱食肉雖無辱何如此味長

墨菜

元 夏文彥

氣含風露滿深秋真味由來勝庶羞若使孔融曾見此
品題當不到元脩

墨菜

元 李明復

嗤彼膏粱徒豈知蔬食樂所以士大夫滋味甘澹泊

墨菜

元

楊紘孫

食肉仍易厭菜根滋味長黃蘗三百甕日日是家常

墨菜

元

顧舜舉

朱門盡日多珍味貧士窮年祇菜羹請語當朝食肉者
由來此色在蒼生

墨菜

元

王務道

披卷憶山中故人何日逢鄰牆賒濁酒小圃摘新菰

題畫菜戲呈石末公

明

劉基

列鼎羔羊厭脂肥園官菜把莫嫌微年來騎士工隳突
此物人間亦見稀

尹明府所藏徐熙嘉蔬圖

明
高啓

少賤習圃事種蔬每盈疇深根閱玄冬老葉凌素秋採
擷風露餘山庖足嘉羞故園經亂後蔓草日已稠野水
流畦間蟲聲暮啁啾披圖似見之惻愴起我愁食肉豈
無人斯世誰與謀君多恤民意毋忽歲饑憂

題畫菜 二首

明
錢宰

綠酒交春熟燈花入夜開
兩畦堪小摘不見故人來
今日荷鋤倦嘉蔬沒四垣
客來春酒綠風雨夜開園

畫菜

明
凌雲翰

高田宜種蔬下田宜種穡
歲饑與饑同安敢望肉食
雨餘理荒畦甲坼資地力
會看根本長取之戒勿亟
天工愛我貧此物頗不嗇
便如終歲謀十甕擬可得
含笑披畫圖流涎欲霑臆
長能齧菜根天下無此色

畫菜

明
邱濬

世間食品何者佳淡中滋味真無加富客何須悅芻豢
神仙漫爾餐煙霞聞君作縣官河側繞屋築畦供日食
食餘摩腹繞園行喜得邑民無此色

畫菜

明 李東陽

坐憐幽意滿閒庭長見春畦過雨青記得蘇郎舊風味
雪堂中夜酒初醒

題菜

送林貴實謝
病還蒲田

明 謝鐸

東曹豈不榮促刺如窘步秋風一夜生吳中是歸路淒

涼遼海東白首公孫度揮鋤瓦礫間黃金不曾顧古人
重食菜百事皆可作送君歸去來日涉園中趣

畫菜

明 任 衛

露牙煙甲曙光寒紫翠溥香濕未乾記得花開曾病酒
玉人纖手薦春盤

畫菜

明 程敏政

嫩甲纖纖浥露青小齋終日候園丁不知春到先紅紫
幾處爭開擇勝亭

題畫菜

二首

明程敏政

曾移蔬甲課園丁
愛嚼霜根養性靈
獨有畫工知此意
能將風味入丹青

籬下分披紺葉長
枝間涼綴紫團香
已應風味堪登譜
更著丹青與擅場

題畫菜

明戴璿

鼎肉紛紛飫脂肥
丹青模此意何微
年來滿地多蟲蠹
行盡春畦見亦稀

畫菜

為新城陳大尹袁廷章題

明
謝廷柱

生意常時滿菜畦
桔槔閑却漢陰機
頗疑董子窺園簡
莫笑樊遲學圃非
素甲層層霜後脆
紫團艷艷雨中肥
淡然風味丹青得
擊節康侯世未稀

題白菜

明
謝士元

露莖風葉味偏清
咬盡能教百事成
寫出一根常寓目
知君忘却五侯鯖

畫菜

明
周用

五侯擊歌鐘下筯千金空野人藜藿腸東厨厭春菰

孫方伯青芥白芥畫

明
康海

托根當芳園凌霜益屏翳清新君自知何須羨薑桂

叔祥畫菜酷有生態不減宋王參差恨不令老坡

見之

明
陳繼儒

阿祥手中風露新長鑱撥出家園春莫將真率山家味
賣與朱門食肉人

題甘瓜

宋
范成大

夏膚瓮已皴秋蒂熟將脫不辭抱蔓歸聊慰相如渴

摘瓜圖

二首
標軒家後

元
元好問

四摘空留抱蔓詩阿婆真作木腸兒履霜只說琴心苦
不見房陵道上時

高鳥長憂挂網羅如菴日月坐消磨憑君莫話前朝事
此似黃臺摘更多

題趙涼公瑞瓜圖

元
黃潛

慶門集嘉況異瑞呈瓜田生五而成十奇偶出自然觀

物可知德發祥匪由天願言植靈苑永奉君王前合形
表同休雅詠流縣縣

錢舜舉瓜蔓圖

元 鄧文原

極目荒墟落木中空山人靜澗泉春秋來不用為霖雨
留得閑雲養臥龍

題黃與可所藏錢舜舉瓜圖

元 虞集

秋蔓有遺實不食庸何傷東陵為圃地何曾憂雪霜

畫瓜

元 唐肅

吮筆青蒲有詔催內園今日進瓜來如何二月能如許
為向溫泉近處栽

題瓜鼠圖

元馬臻

女臂狸頭不自奇桑虞翦棘化偷兒飽他鼠腹能多少
幸是癡猫未得知

絲瓜圖

明張以寧

黃花翠蔓子累累寫出西風雨一籬愁絕客懷渾怕見
老來萬縷足秋思

題畫瓜

明 聶大年

翠實離離引蔓秋
西風涼露滿林丘
東門尚有閑田地
千載無人說故侯

畫瓜

明 李東陽

玉盤秋露水精寒
冰齒餘香嚼未殘
暑月為君清到骨
不知身在畫中看

題秋茄圖

元 錢選

憶昔毗山愛寫生
瓜茄任我筆縱橫
自憐老去翻成拙

學圃今猶學不成

題錢舜舉畫竹萌茄蔬圖

元馬臻

秋茄戀我遣不去飲水曲肱有真意達官日日飽大官
笑我出言蔬筍氣錢公寫生高吳興筆力超詣森有神
視此慎勿貴八珍重茵列鼎聞之嗔所謂紫駝峰猩猩
唇夢想不到林下人但願一飽安餘齡區區口體之累
何足云

錢舜舉畫紫茄

明張以寧

江南埧裏紫彭亨標致錢郎巧寫生憶得故園秋雨過
新炊初熟飯香粳

畫茄

明周用

捫腹訝紫衣蒙頭羞素幘平生無苦心往往藉糟粕

題張叔清采菰圖

元陶宗儀

秋風江上紫莼肥童子攜筐采掇時獨有東曹能命駕
至今此味少人知

題曹憲副採蓴卷

明楊廉

三泖秋霖浸四圍水邊那覺露葵稀金盤玉筯長安客
幾箇西風為汝歸

題採菱圖

有序

明王璉

茗溪余舊所經遊秋高氣淒風清水落遠近漁歌更
唱互荅舟行沿洄恍若世外別來不知幾寒暑矣中
吳徐希孟攜謝孔昭所臨松雪翁採菱圖索詩為作
吳歌題其上不能不動江南之思也

湖南風信起湖北浪花多欲唱採蓮曲翻成採菱歌採

菱歌斷汀洲暮何處却尋歸去路誰搖蘭艇笑相迎燈
火遙生白蘋渡

採菱圖

明 杜 瓊

茗溪秋高水初落菱花已老菱生角紅裙綠髻誰家人
小艇如梭不停泊三三兩兩共採菱纖纖十指寒如冰
不怕指寒并刺損只恐歸家無斗升湖州人家風俗美
男解耕田女絲枲採菱即是採桑人又與家中助生理
落日青山斂暮煙湖波十里鏡中天清歌一曲循歸路

不似耶溪唱採蓮

題趙丞瑞薏苡圖

宋

呂居仁

甘泉殿中芝九莖不與百草同條生當時祥瑞已稠疊
薏苡亦未來爭衡漢皇不容矍鑠翁此物乃與明珠同
爾來萬物更變化薏苡寧甘死荒野故遣根苗霜雪白
炯若微月來清夜趙郎好事古亦無俯拾旁觀盡圖畫
畫師不辨粉繪費遇時亦得千金價君不見古來異瑞
與奇祥何曾不致南宮下

畫蘿蔔

元

丁鶴年

高氏賢兄弟常將備夕餐如何清列士今作畫圖看

東昌道中偶閱畫冊各賦短句

七首

明

吳寬

菜

翠玉曉籠畦間足春雨咬根莫棄葉還可作羹煮

瓜

瓜類一何多吾欲問老圃更乞東陵侯來救渴者苦

茄

種茄糞壤中地力亦易竭厥狀雖不同難將味分別

蘿蔔葱

玉杵削未舂金絲束成繚和以翡翠莖併作春盤料

荸薺

累累滿筐盛上帶封門土咀嚼味還佳地粟何足數

楊梅

五月果初熟枝頭鶴頂丹欲知甘冷好千顆薦冰盤

筍

已抱錦棚兒仍參玉版師吳門啖已足正屬燕來時

題畫贈劉丞西渠子

四首

明 廖道南

春意鬱蔥菁晚陰含蒼翠我願天下士不可無此味
淡煙迷紫翠微風勵清白我願天下民不可有此色
漢域傳珍味唐家獻異芳何如調鼎味殿閣有遺芳
飯蔬蘊真樂餐蕨抱遐心老圃何人識長春獨可尋

御定歷代題畫詩類卷九十一

欽定四庫全書薈要

御定歷代題畫詩類卷九十二目錄

禾麥蔬果類

題因師蒲桃圖

宋陳造二首

以詩就葉洞春求畫蒲萄

宋陳普

贈葉洞春畫蒲萄

宋陳普

跋牧樵子蒲萄

元吳澄

溫日觀蒲萄

元鄧文原

題溫日觀蒲萄

元楊載二首

題日觀畫蒲萄

元柳貫

題墨蒲桃

元傅若金

題松菴上人墨蒲桃

元傅若金二首

僧日觀畫蒲萄

元宋无

高昌王所畫蒲萄熊九皋藏

元成廷珪

同喻國輔題溫日觀蒲萄

元吳萊

溫日觀畫蒲萄

元鄭元祐

溫日觀蒲萄 元張憲

題水墨蒲萄 元舒頔

墨蒲萄 元貢性之

題肅萬邦蒲萄 元貢性之

題畫蒲萄 元丁鶴年

題日觀蒲萄卷 元馬臻

溫日觀蒲萄 元張雨

蒲萄 明楊基

題蒲萄

明孫贊

題林盤所學民家藏溫日觀蒲萄

明許伯旅

題璋上人所藏溫日觀墨蒲萄

明藍智

題蒲萄扇

明郭應

題月下蒲萄卷

明周旋

墨蒲萄

明金幼孜

蒲萄圖

明張寧

蒲萄圖

明張元積

岳蒙泉畫蒲萄

明吳寬

石田學蒙泉閣老畫蒲萄

明王鏊

題蒲萄圖

明謝廷柱

畫蒲萄引

明王九思

題墨蒲萄

明李汎

蒲萄圖

明徐渭二首

題日觀畫蒲萄

明僧大圭二首

題蒲萄竹筍圖

元張天英

題畫蒲萄松鼠

元貢性之

梨蒲萄

明傅汝楫

荔枝圖

金趙秉文

墨荔枝

元歐陽玄

荔枝畫

元張昱

題荔枝

元陶宗儀

題荔枝練帶

明高啓

荔枝圖

明劉品

題石榴 宋范成大

石榴圖 明楊基

題畫石榴 明王世貞

題櫻桃 宋范成大

畫枇杷 元柳貫

枇杷圖 明楊基

畫楊梅答韓克瞻 明沈周

題木瓜圖 宋范成大

徐熙折枝果圖

元王惲二首

題靖夫弟畫屏折枝

元程文敏六首

欽定四庫全書薈要卷一萬九千二百

集部

御定歷代題畫詩類卷九十二

禾麥蔬果類

題因師蒲桃圖

二首

宋陳造

因師寫物三昧手公取天機付筆端坐想瑛盤分磊砢
憶嘗貝齒冰甘寒

晶熒壓架紺珠圓苒弱縈風露葉鮮病酒人方渴羌似
為師開卷忍饒涎

以詩就葉洞春求畫蒲萄

宋 陳 普

洞春豪傑士妙筆出怪奇寫就大宛根可怪不可披此
畫豈易得此手難再携敢將有聲畫博君無聲詩

贈葉洞春畫蒲萄

宋 陳 普

引蔓牽藤寸管頭扶驪剔蚌出風流三千龍女拋珠佩
一箇儒生擁碧油莫是前生封即墨便堪作酒博青州
齊奴倘會清妍意免得紅裙逐翠樓

跋牧樵子葡萄

元 吳 澄

芸香樓上汗如珠起趁清風為埽除見此西涼甘露乳
冷然齒頰出寒酥

溫日觀葡萄

元 鄧文原

滿筐圓實驪珠滑入口甘香冰玉寒若使文園知此渴
露華應不乞金盤

題溫日觀葡萄

二首

元 楊載

老禪嗜酒醉不醒強坐虛欄寫清影興來擲筆意茫然
落葉滿庭秋月冷

醉中捉筆兩眼花倚簷架子敲復斜翠藤盤屈那可辨
但見滿紙生龍蛇

題日觀畫葡萄

元 柳貫

昔有狂僧字仲言酣嬉坐證法華門探淵却值乖龍睡
摘得驪珠口口吞

題墨蒲桃

元 傅若金

上苑根株少風沙道路長也知隨漢節終得薦君王

題松菴上人墨蒲桃二首

元 傅若金

漢苑尋常露下時
月明高架影參差
上林近日無來使
腸斷江南見一枝

露顯含香近
客衣蜜蜂蝴蝶繞
藤飛夜來應值驪龍睡
探得明珠月下歸

僧日觀畫蒲萄

元
宋
无

玉山道人蒼壁立
胃瀦萬斛松煤汁
吐作千年古怪藤
猶帶西湖煙雨濕
元氣淋漓草木活
太陰菌蠢蟲蛇蟄
鬚紫翠霧瘦蛟走
晴抉玄珠黑龍泣
神剗鬼刻字崛奇

水精火齊光陸離天魔擎來青帝寶鯨波湧出珊瑚枝
墨花酣春馬乳漲醉夢渴想西涼姿風牕秋凝蠹葉語
露架夜憶虬柯垂須臾掩卷何所見月落庭空無影時

高昌王所畫蒲萄熊九皋藏

元 成廷珪

玉關西去火州城五月蒲萄無數生今日江南池館裏
萬株聯絡水晶棚

同喻國輔題溫日觀蒲萄

元 吳 萊

佛者本西域蒲萄亦來西奈何比善畫無或渠所携我

曾考其故初與漢使偕上林乃有館慈嶺何須梯天時
自不同地氣忽已迷結子且磊磊懸藤更高低先幾日
已露薄德不及稽終令白氎象遠從雙狻猊從茲故國
木伴爾禪家栖幽心恍有得爛墨研為泥宜哉一揮灑
遽若無町畦依稀可少辨變作天投蜺萬古空朔色南
山竟朝躋畫工尚逸品游戲徒筌蹄豈伊吾無人何從
非耄倪豈伊吾無物桃李總成蹊此皆非所產敢與中
州齊為爾撫此卷長歌欲驚嘶

溫日觀畫蒲萄

元鄭元祐

伊昔錢唐溫日觀醉兀竹輿殊傲岸却將書法畫蒲萄
張顛草聖何零亂枝枝葉葉點畫間醉瞠白眼看青天
狂呼大盜楊總統天不汝誅吾厚顏楊加筆死曾不畏
故老言之淚尚潛畫成蒲萄誰賞識惟有鮮于恒嘖嘖
醉扣齋室支離疏拊摩悲歌淚填臆鮮于設浴師浣之
為師滌垢曾弗辭人言結襪張廷尉千載風流寧異茲
蔓如龍鬚寶馬乳問師揮毫奚獨取只因漢使遠持來

野老詩成淚如雨

溫日觀蒲萄

元 張憲

銀甕懸紫駝驛騎曉來急西風吹竹牕一夜鮫人泣

題水墨蒲萄

元 舒頔

老龍騰淵雲氣溼萬斛驪珠夜光泣秋風吹滿西涼州
釀就清香浮玉液

墨蒲萄

元 貢性之

酒醒西樓月欲斜滿牕晴影走秋蛇狂夫賸有相如渴

一滴涼州未許賒

題肅萬邦蒲萄

元 貢性之

憶騎官馬過灤陽馬乳累累壓架香釀就瓊漿三百斛
胡姬當道喚人嘗

題畫蒲萄

為故人毛
楚哲作

元 丁鶴年

西域蒲萄事已非故人揮灑出天機碧雲涼冷驪龍睡
拾得遺珠月下歸

題日觀蒲萄卷

元 馬 臻

老衲搏空無混沌為之闢拔得天地根不假雨露力寒
藤挂鬼眼累累冷光碧驪龍亦驚猜夜半風霆急

溫日觀葡萄

元張雨

日觀一飲西涼酒解寫蒲萄絕代無請師截斷葛藤路
還我黑月摩尼珠

蒲萄

明楊基

一斛涼州價已多上林千樹酒成河塵沙漠穹廬雪
若箇銀餅覆紫駝

題蒲萄

明 孫 蕢

驪龍弄影照高秋，萬斛真珠露氣浮。
還憶玉人歌舞散，紫駝銀甕出涼州。

題林盤所學民家藏溫日觀蒲萄

明

許伯旅

張顛草書天下雄，醉筆往往驚羣公。
溫師作畫亦若是，我知畫與書法通。
蒲萄何來自西極，枝蔓連雲引千尺。
世間畫者誰最高，溫師自有蒲萄癖。
當時豪貴爭邀迎，掉頭輒走呼不應。
酒酣耳熱清興發，揮灑始覺通神靈。

東家雪練西家帛布地待師師不惜芒鞋踏墨雲海翻
滿把驪珠輕一擲百年畫意誰見之破幅蕭條今尚遺
心垢都除入清淨不爾妙悟何能為憶我携書客淮右
大官都送葡萄酒寒香壓露春甕深風味江南未曾有
林君對此心忉忉謂余亦種葡萄苗何當釀酒二千斛
愁來一飲三百瓢

題璋上人所藏溫日觀墨蒲萄

明藍智

鮫人織綃翡翠宮驪珠滴露垂玲瓏老禪定起寫秋影

空山月轉雙梧桐憶昔初移大宛種首宿榴花俱入貢
蓬萊別館綠雲深太液晴波水晶重貝南之谷曇老居
生紙顛倒長藤枯墨池禿盡白兔顛天風吹墜青龍鬚
祇園馬乳秋初熟點綴鵝湖雲一幅醉草猶疑懷素狂
寒梅頓覺華光俗野堂千尺手所栽兵戈蕪沒同蒿萊
日斜對畫獨迴首詩成誰致西涼酒

題蒲萄扇

明 郭 厪

裊裊拂虬髯離離懸馬乳曾傾銀甕香一博涼州史

題月下蒲萄卷

明周旋

驪龍飛出水精宮
嫋嫋長鬚翠拂風
亂吐珊瑚千萬顆
夜深高挂月明中

墨蒲萄

明金幼孜

風架引藤高十丈
翠葉陰陰氣蕭爽
老龍昨夜挾風雨
亂吐驪珠落天上

蒲萄圖

明張寧

紫絲步障流蘇短
露淡風清秋未滿
舞鳳翎翻翠解苞

蟠龍骨瘦珠垂領青蔥首宿錦石榴枝交蔓引彌山丘
驂騑不至仙槎遠空有草物遺中州君不思涼州一斗
猶輕換西行千騎歸無半

蒲萄圖

為張雲
山題

明
張元禎

上林衆卉飄霜箨獨與秋光壯蕭索翠虬三千蟠綠雲
水晶八萬妝羅幕粉署仙郎心愛之半幅生綃圖磊落
長風幾度闔闔來柔條欲舞珠欲躍何當摘取釀春釭
香冽應覺醍醐薄瑤觴持去壽君王遮莫涼州可相博

岳蒙泉畫葡萄

明 吳寬

曾是文淵閣下才才高只合有人猜
白頭騎馬涼州過却使葡萄入畫來

石田學蒙泉閣老畫葡萄

明 王鏊

虬髯詰屈榦鱗皴二老含毫闕出新
試看山亭秋雨裏不知若箇得渠真

題蒲萄圖

明 謝廷柱

蒲萄漢代來西域移向涼州家徧植
何人寫入此圖中

逼真妙手時難得初疑滄海躍驪龍明珠領下光玲瓏
吐霧嘘雲猶帶濕揚鬚鼓鬣勢挈雄又如垂旒耀初日
紫艷顆顆聯綴密水晶馬乳品不同摹寫總入畫工筆
煙藤漏日翠糾纏風葉含露青連綿高堂閱畫已快意
何如結架齊簷前我欲走使遠截取賸得長條種茲土
秋風亂剪落筠筐釀熟千缸萬缸醺不羨雲安麴米春
何勞漢官捫馬乳涼州新釀屬閩南畫圖東閣不須覩

畫葡萄引

明
王九思

漢武惟知貴異物博望常勞使西域大夏康居產富饒
梧桐檉柳非奇特獨取葡萄入漢宮遂遣天王親外國
當年肉味厭侯王今日霜根徧西北吾家十畝後園裏
長條幾架南山側龍鬚時裊水風斜馬乳盡垂秋雨色
故園一別驚風雨畫圖相對思鄉土青錢已辦雇河舟
白首行看住草樓但願千缸釀春酒未須一斗博涼州

題墨蒲萄

明李汎

雷車夜碾山雲殘蟄龍驚震江波寒崢嶸直上青霄蟠

忽然下飲研池寬墨花香暖朝未乾
爪痕屈曲珠影團
清光照夜夜不闌摩挲老眼驚奇觀
便覺風雨生毫端

葡萄圖 二首

明徐渭

半生落魄已成翁
獨坐書齋嘯晚風
筆底明珠無處賣
閑拋閑擲野藤中

自從初夏到今朝
百事無心總棄拋
尚有舊時書禿筆
偶將蘸墨點葡萄

題日觀畫葡萄

明僧大圭

短衣狂走至元僧醉唾驪珠十斛冰定起山樓寒月上
一牕風影寫秋藤

題溫日觀葡萄

明僧大圭

龍局失鑰十二重驪珠迸落鮫人宮并刀剪斷紫瓔珞
累累馬乳垂金風樹根吹火照殘墨冷雨松棚秋鬼哭
蔗丸嚼碎流沙冰鴨酒呼來漢江綠鐵削蚪藤劒三尺
雷梭怒穴陶家壁曇胡醉起面秋巖一索摩尼挂空碧

題蒲萄竹筍圖

元張天英

王母初來漢殿時青鸞踏折埽壇枝天風吹老龍珠帳
挂墜瑤簪醉不知

題畫蒲萄松鼠

元 貢性之

猥似彌猴捷似獠栗梢走過又松梢紫萄若使知滋味
一日能來一百遭

梨葡萄

明 傅汝楫

鳥驚午睡濃起坐林花近渴思谷口漿醉喚梁州醞

荔枝圖

金 趙秉文

雨滴鈴聲蜀道長都緣一曲荔枝香宣和無限丹青手
好畫當年花石硯

墨荔枝

元 歐陽玄

向來千里騎塵紅生色羅襦濕翠濃顏色似嫌妃子浣
蕭然猶有墨君風

荔枝畫

為福建僉憲
張惟遠題

元 張昱

茜羅輕裹玉肌寒吹盡南風露未乾一寸丹心無與寄
為憑圖畫入長安

題荔枝

元陶宗儀

大唐置驛貢遐方
火齊虬珠裹蔗漿
博得玉環纔一笑
教坊曲奏荔枝香

題荔枝練帶

明高啓

雨後蠻枝錦果肥
華清貢罷驛塵稀
山禽自繞枝頭啄
疑是宮中舊雪衣

荔枝圖

明劉儼

閩南產嘉實名為丹荔枝
品題冠諸果風味甘如飴
曾

買貴妃笑亦辱君謨知高宗寫此圖六種顏色奇移茲
工巧心治國諒無虧鼎湖龍去遠展卷令人悲

題石榴

宋

范成大

日烘古錦囊露浥紅瑪瑙玉池嚙清肥三彭跡如埽

石榴圖

明

楊基

玉椀糖霜萬顆冰王孫筵上酒微醒若教畫作回仙鶴
一夜吹簫過洞庭

題畫石榴

明

王世貞

君自閩天來豈少陳家紫何似安石榴累累結佳子

題櫻桃

宋 范成大

火齊寶瓔珞垂於綠繭絲幽禽都未覺和露折新枝

畫枇杷

元 柳貫

四月江南盧橘熟離離佳實滿枝黃丹青偶向圖中見
漬蜜猶思配一觴

枇杷圖

明 楊基

盧橘當年出漢家誰將名字雜枇杷風枝露葉金盤果

盡是僧房雪後花

畫楊梅答韓克瞻

明 沈 周

西山有雨楊梅熟東老無詩口舌乾
珍重故人知此意
高林摘寄紫瑛丸

題木瓜圖

宋 范成大

沉沉黛色濃糝金
沙絢卻笑宣州房
競作紅妝面

徐熙折枝果圖

二首

元 王 惲

紫陌春風窈窕歌
昇平花果夢宣和
寫生忽見徐卿畫

碧爛紅鮮發興多

後庭新唱滿深宮已覺金陵王氣空
畫手忍將亡國淚
筆端秋實染春紅

題靖夫弟畫屏折枝

六首

元
程文敏

櫻桃

雨洗紅珠重香浮乳酪寒筠籃風味在
消得赤瑛盤

來禽

翡翠圓成彈脂脂與點腮園丁休盡採
怕有衆禽來

梨子

滿面黃金粟盈科白玉漿可能燒二顆口腹累君王

石榴

朱房含玉醴玳殼錯金鈿不枉煩符節崎嶇十八年

木瓜

珍重宣城貢瓊瑤直得詩霜餘風韻在細字寫胭脂

枇杷

翠葆擎珠琲金丸貯蔗漿雪中記高樹花發傲羣芳



御定歷代題畫詩類卷九十二



總校官庶吉士臣侍朝

校對官庶吉士臣徐立綱

膳錄監生臣任穎

欽定四庫全書纂要

集部

御定歷代題畫詩類卷九十三

四

欽定四庫全書薈要

御定歷代題畫詩類卷九十三目錄

禽類

宣和珍禽圖

元王惲

秋塘瑞鳥圖應制

明林瀚

題陰厓舞鳳圖

明何喬新

題周都尉鳳鳴朝陽圖

明丘濬

畫鳳

明吳寬



鳳皇圖 明陳壽

鳳圖 明嚴嵩

碧梧丹鳳圖 明黃佐

題姪子家所藏雙鳳鳴陽畫 明徐渭

呂推卿孔雀畫圖 宋孔武仲

題畫孔雀 宋黃庭堅

唐邊鸞正面孔翠 元王惲

孔雀圖 明胡儼

題孔雀圖

明陳憲章

孔雀圖歌

明王廷相

詠省壁畫鶴

唐宋之間

詠主人壁上畫鶴

唐陳子昂

通泉縣署屋壁後薛少保畫鶴

唐杜甫

畫鶴篇省中作

唐錢起

觀畫鶴

唐竇羣

鶴屏

唐皮日休

鶴屏

唐陸龜蒙

和潘叔治題劉道士房畫薛稷六鶴圖

宋梅堯臣

和曹光道詠直廬屏中六鶴

宋梅堯臣三首

竹鶴

宋蘇軾

李生畫鶴

宋文同

題蘇之孟家薛稷二鶴

宋米芾

畫鶴

宋朱子

薛稷舞鶴圖

元郝經

題薛少保稷畫鶴圖

元王惲

白鶴圖

元程鉅夫

孤鶴圖

元袁桷

題饒世英所藏孤鶴圖

元虞集

畫鶴

元虞集

為潘仲暈題定使君所贈馬郎中畫鶴

元劉永之

白鶴圖歌

明解縉

畫鶴

明陳憲章二首

謝仲山送鶴圖

明吳寬

畫鶴篇

明何景明

蜀府命題所藏宜和瑞鶴圖

明僧來復

題青松白鶴圖

元馬臻

題邊文進畫松鶴

明胡廣

題松鶴

明金幼孜

松鶴圖

明陸深

為彭文學題松鶴圖

明張鳳翼

題松鶴 明李本

題松厓睡鶴 明謝廷柱

題竹鶴 明金幼孜

題鶴鳴鵲噪圖 明張鳳翼

欽定四庫全書薈要卷一萬九千二百一

集部

御定歷代題畫詩類卷九十三

禽類

宣和珍禽圖

元 王 惲

紫煙阿閣鳳連巢
瑤圃飛翔下絳霄
踏散木犀花上露
翠襟丹喙不勝嬌

秋塘瑞鳥圖應制

明 林 瀚

蓮塘雨過秋如洗
數尺澄波清徹底
雨雨珍禽何處來

飛入塘中弄煙水相呼相喚良有情莫遣漁翁鳴榔驚
翠蓋連莖霜後老黃蘆幾葉風中聲白鸞瑞應元同匹
凡鳥不敢同遊息晚來並立晴沙頭占斷滄波秋一碧
爭如五采雙鳳凰梧桐曉日丹山陽安得天風扶羽翼
直向霄漢聯翱翔似此珍禽世稀見虞人未許藏機變
商家至治弘萬年羅網今看解三面

題陰厓舞鳳圖

明

何喬新

畫船昨泛湘江曲江上蕭疎森紫玉天邊彩鳳忽飛來

羽毛猶帶湘雲綠
陰厓曉霽暖煙消
翠蕤飛舞風脩脩
九疑凝黛湘波靜
林間彷彿聞簫韶
黃陵廟前春欲暮
鷓鴣啼斷斑斑雨
好向虞廷覽德輝
碧梧華華搏桑曙

題周都尉鳳鳴朝陽圖

明丘濬

世間有鳳人不識
却把丹青繪羽毛
舜樂九成暘谷曉
秦簫千仞月臺高
禎祥表德同麟趾
律呂諧聲異鶴皋
擬續卷阿陳大雅
明良喜起慶相遭

畫鳳

明

吳寬

鳳鳥久不至曾致宣尼悲獲麟尚被殺不至亦其宜去
周二千載見者今為誰徒從書傳中強爾分雄雌畫工
五色筆點染毛羽奇不須舞簫韶展圖即來儀高岡豈
岐山獨立迎朝曦雖離更啾啾又即卷阿詩遂令後世
人如生舜文時我欲走四方按圖往求之膠東與北海
恐有漢雛遺不如求之人徐庶或在茲百年方承平鳳
德宜未衰寄語楚狂輩高歌獨何為

鳳凰圖

明
陳 霽

鳳凰羽翰何振振珍寶燦爛五色紋覽德千年時一下
忽然翔集海山岑雄鳴雌鳴兩各六五音雜遝宮商成
梧桐脩脩葉生子翠竹離離實滿林海天曛曛上太陽
下照瑞禽文運昌碧石峨峨海中起根盤礫硤深莫量
竹實可餐充服食梧桐可棲蔭文章應是當今神聖出
四靈畢至呈奇質生綃貌此挂高堂幻出仙機顯神筆
恍如聞古韶濩音便欲吹簫協聲律

鳳圖

為宗伯序
菴公題

明
嚴嵩

鳳飛千仞宿崑丘。饑食竹實渴飲滄海流。人間此物不
易見。云胡得之置在中堂。幽矍然。注視使我疑。文彩照
座光。陸離初驚素壁開。丹穴忽辨朝霞捧。赤曦騰輝絢
景瀾。東海積石方壺渺。馬在羸女簫聲隔。彩雲緜仙笙
韻流蒼靄憶。昔重華稱盛治。覽德呈祥曾一至。周京載
見岐山鳴。邇來千載不復聞。其聲祇令粉墨丹青空。爾
形方今聖人在位。寰宇清豁。廓氛曠。登休明。鏘鏘韶濩
諧靈奏。藹藹馮翼充王廷。吁嗟乎。人中之鳳。乃所珍我。

愛南宮上卿美且仁格天事業歸寅直華國文章重縉
紳昌辰更賦卷阿什化日高翔阿閣春

碧梧丹鳳圖

為黎侍御
一卿題

明
黃佐

鳳兮鳳兮爾來當何時知爾之德萬古長不衰不然上
天縱爾九苞羽安用羣羣為君不見桃蟲當日飛為鵠
脊令原上啼鵲鵲几几音曉曉室家恐為陰雨漂偃
禾風定杲日出岡上碧梧寒不凋爾於此時來和鳴叶
簫韶成王優游君奭喜卷阿為爾歌且謠鳳兮鳳兮披

圖對爾起三歎久矣不夢周公旦咸陽宮前多枳棘何
用屑屑悲秦漢

題姪子家所藏雙鳳鳴陽畫

明徐渭

海水動天天欲曉天曉日炙珊瑚老鮫人泣夜不得眠
早起來聽鳳凰叫梧桐百尺秋雲際竹梢覆水千年子
一飛一宿還一鳴百神張樂鈞天啓梧生誠亦難鳳出
良不易願以黃金鑄梧樹莫教飛向丹山去

呂推卿孔雀畫圖

宋孔武仲

畫臥蓬山禁漏長起觀名畫得心降曾聞吟咏依南海
頗怪飛鳴到北牕峭格正宜風作馭脩翎堪與鳳為雙
知公物外尋幽好不戀榮華擁節幢

題畫孔雀

宋

黃庭堅

枕柳暗天蕉葉長終露文章嬰世網故山桂子落秋風
無因雄雌青雲上

唐邊鸞正面孔翠

元

王惲

邊鸞弄丹青思入造化窟平生雀寫真多作正面筆圓

張金花扇迴與鸞彩匹暖圍姚魏春翠射琅玕碧瑤池
百丈鏡顧影時自惜我冠赤墀間朝午見孤立年深粉
色暗元氣障猶濕遠來米家船復出王涯壁髯溫王臺
後素有書畫癖一見易以歸不惜金與璧緊君具眼士
鑒定能事畢竹亭展觀餘異夢憶疇昔當時文字祥其
應在此久

孔雀圖

明
胡儼

有鳥有鳥名孔雀文彩光華動揮霍脩頸昂昂翠羽翹

大尾斑斑金錯落由來麗質產南方丹山碧水多翱翔
芭蕉花開風正軟枕榔葉暗日初長忽聞都護啼一聲
山中百禽皆不鳴松篁引韻笙竽奏顧影徘徊舞翅輕
炎荒暑熱時多雨尾重低垂飛不舉一朝籠養近簾幃
可憐猶妒美人衣永嘉謝環善寫生畫圖貌得邊鸞清
老眼摩挲石苔紫渾似枇杷樹底行

題孔雀圖

明
陳憲章

兒女心情未遣知白頭笑賦雀屏詩可能乳得西周鳳

來壽君王億萬期

孔雀圖歌

明王廷相

九真之域連南溟二儀運化山水清砂乳遙分南斗氣
孔翠偏含赤帝精羽毛皎皎傾九都紫茸花點金明珠
光儀色相遙憐爾曳電飄霞宛相似春晴矯入蒼梧天
月冷翻迴洞庭水洞庭蒼梧滿光采閭岑玄圃空相待
清夢偏宜瓊玉田間心最惜溫涼海紅鸞舞月共佳期
白鶴冲雲更不疑長隨玉女朝九藥每看仙人晝睹基

仙人玉女裁雲隈翠作鑾車金作臺靈椿白榆對結子
八千餘歲仍歸來溫伯雪子錦城仙文藻風流世所賢
堂上春暉煙霧散圖中珍翼鬼神傳秋風明日歎離居
巫峽吳江萬里餘願借交南雙錦翼為傳天上玉宸書

詠省壁畫鶴

唐
宋之問

粉壁圖仙鶴昂藏真氣多
竊飛竟不去當是戀恩波

詠主人壁上畫鶴

寄喬主簿
崔著作

唐
陳子昂

古壁仙人畫丹青尚有文
獨舞紛如雪孤飛暖似雲
自古仙人畫丹青尚有文
獨舞紛如雪孤飛暖似雲

矜彩色重寧憶故池羣江海聯翩翼長鳴誰復聞

通泉縣署屋壁後薛少保畫鶴

唐杜甫

薛公十一鶴皆寫青田真畫色久欲盡蒼然猶出塵低
昂各有意磊落如長人佳此志氣遠豈惟粉墨新萬里
不以力羣遊森會神威遲白鳳態非是倉庚鄰高堂未
傾覆幸得慰嘉賓曝露牆壁外終嗟風雨頻赤霄有真
骨恥飲滂池津冥冥任所往脫畧誰能馴

畫鶴篇省中作

唐錢起

點素凝姿任畫工
霜毛玉羽照簾櫳
借問飛鳴華表上
何如粉纈彩屏中
文昌宮近芙蓉闕
蘭室綢繆香且結
鑪氣朝成縹嶺雲
銀燈夜作華亭月
日暖花明梁燕歸
應驚片雪在仙闌
主人顧盼千金重
誰肯徘徊五里飛

觀畫鶴

唐
竇羣

華亭不相識
衛國復誰知
悵望冲天羽
甘心任畫師

鶴屏

唐
皮日休

三幅吹空縠
孰寫仙禽狀
舵耳側以聽
赤睛曠如望
引

吮看雲勢翹足臨池樣頗似近蓐席還如入方丈盡日
空不鳴窮年但相向未許子晉乘難教道林放貌既合
羽儀骨亦符法相願升君子堂不必思崑閬

鶴屏

唐
陸龜蒙

時人重花屏獨印胎化狀叢毛練分彩疎節筇相望曾
無氈氍態頗得連軒樣勢擬搶高尋身猶在函丈如憂
雞鶩鬪似憶煙霞向塵世任縱橫霜襟自閑放空資明
遠思不待浮丘相何由振玉衣一舉棲瀛閬

和潘叔治題劉道士房畫薛稷六鶴圖

宋

梅堯臣

啄食

窮年見俛啄但有飢乏意雖存玉山禾不入丹青啄因
思方朔嘲此豈優諧類

顧步

舉足徒有勢行沙遂無蹤迴頸誠已久未知竟何從安
能見儔侶顧望自顒顒

喚天

引吭向層霄聲聞期在耳鼓吻意豈疎知音何已矣安
得九皋同流響入萬里

舞風

如逢仙圃風飄颻奮雙翅拊節余欲助和歌誰爾類但
看矯然姿固於流雪異

警露

孤標近仙壇依約聞墜露儼如舉止揚稍見神爽悟曉

月坐青軒寒添壁間素

理毛

六鶴皆不同初生薛公筆况茲刷羽者奮迅如天質墨
客懷賞心題詩仍我率

和曹光道詠直廬屏中六鶴

三首

宋

梅堯臣

漢家為瑞雙黃鵠只道飛翻太液池不似雲屏曾礙過
却穿松下到茅廬

旋燒枯栗衣猶濕去愛峰前有徑開日暮更寒歸欲懶

無端撩亂入船來

樵童野犬迎人後
山葛棠梨葉酒時
不畏尖風吹入牖
更教牀畔覓鴟夷

竹鶴

宋

蘇軾

此君何處不相宜
況有能言老令威
誰識長身古君子
猶將緇布緣深衣

李生畫鶴

宋

文同

昂昂青田姿杳杳
在輕素一身萬里
意雙目九霄顧鈿

彭羽翮利竦竦骨節露君初本誰學我恐必神悟得於
想像外看
在絕筆處稷荃如復生相與較獨步

題蘇之孟家薛稷二鶴

宋
米芾

遼海未須顧螻蟻仰霄孤喉留清耳從容雅步在庭除
浩蕩開心存萬里乘軒未失入佳談寫真不妄傳詩史
好事心靈自不凡臭穢功名皆一戲武功中令應天人
束髮遼陽侍帝宸連城照乘不保寶皇圖札誥悉珍真
百齡生我欲公起九原蕭蕭松嶷嶷得公遺物非不多

賞物懷賢心不已

畫鶴

宋 朱子

誰寫青田質高超鴈鶩羣長疑風月夜清唳九霄聞

薛稷舞鶴圖

元 郝經

丹砂入頂開雪翎雙膝半屈玄裳輕一天清露月滿庭
浮煙弄影來玉京當時華表曾留形只見翻翥還無聲
畫工姓薛不姓丁前身亦是胎禽精素練忽展江邊亭
長風脩脩筆下生洪流蕩潏排重扃抖搜寒玉凌赤城

我欲援琴鼓湘靈低昂曲折仍有情壁間至今不肯停
灑落一見胃次清請君休讀瘞鶴銘為君更寫舞鶴行

題薛少保稷畫鶴圖

元王惲

晉公化筆神胎禽超超中有萬里心通泉老壁墮茫昧
此幅寫影逾精深細看粉墨色欲盡元氣突兀開雲林
雙脰森碧玉老頂朱砂丹舞風警露兩無謂理此脩羽
何脩然毳毼不受世塵汙真骨照映蓬壺仙王恭雪氎
忽散亂幾點冷臥瑤池煙恍疑坐我九皋下髣髴清唳

聞秋天華陽宮深春晝閑晴苔冷啄松陰寒宣和六客
儘摸寫夢不到此空清妍蹇予三年事擊搏俛仰隨人
空飲啄長纓塵滿抗凡容比擬孤清餘愧忤君不見坡
仙作歎真可人退易進難良自度摩挲老背忽驚心以
倖乘軒非所樂仙槃月露濯金莖綠野風煙連竹閣得
陪高步繞池塘老我何心望寥廓

白鶴圖

元
程鉅夫

昂昂十八鶴云是宣和寫長鳴月滿皋四顧天垂野相

從上寥廓三歎非仙者

孤鶴圖

元 袁 楠

一庭涼月白萬里海雲清似欲乘天女排空入帝京

題饒世英所藏孤鶴圖

元 虞 集

海風吹月憶危巢清夜梳翎雪墮砌仙客不知猶是畫
每聽長唳向松梢

畫鶴

元 虞 集

薛公少保昔畫鶴毛羽蕭條向寥廓通泉縣壁久微茫

故物都非况城郭長鳴閤步貌閑暇解寫高情亦竒作
田中芝草日應長石上松花晚猶落赤壁江深孤月小
白雲野迴秋霄薄羣帝相從絳節朝八公許製黃金藥
誤撓塵網迹易迷移召中洲夢如昨借懸素壁憶真侶
忽有微風動林壑碧虛寥寥積雪高直過蕭臺絕棲泊
為潘仲暈題定使君所贈馬郎中畫鶴

元
劉永之

郎中畫鶴稱第一江海十年多見之蘭皋明月照獨舞

雪影參差風倒吹，滄江玄圃三山上。
琪樹金芝日應長，萬里懷歸惜羽毛。
中宵怨別流孤響，通泉素壁久漂零。
忽見新圖百感并，華亭舊歎傷心切。
赤壁扁舟入夢驚，綠錦池邊飼秋雨。
驃騎多情每同賦，相思欲報故人知。
為傳一札東飛去。

白鶴圖歌

明解縉

翼軫白榆光墮地，化作長禽如老翁。
瑤池蓮花雪中朶，葉末微露丹砂紅。
軒昂有意出塵表，九萬餘里寫長風。

上天下天訴真宰朝食幽都暮瓊海月中清唳露彈珠
日下和鳴雲散彩或隨天帝參龍翔或駕羣仙翳鳳凰
翡翠巢高混茫上皇皇四達門無傍溟渤崑崙此棲息
天地側身思咫尺吳都衛國兩無情芳草寒煙幾回碧
雞羣誤落終昂昂閒情不語春風翔羈棲豈為稻粱計
且向幽人仙夢長君不聞薛少保青田寫真出天造一
筆能將萬壁開冰紈雪蠟傳皆好又不聞杜少陵大篇
短章神鬼驚長禽自可百千歲加之詩畫何聲名嗟哉

二老世豈無將軍今有雙鶴圖梅萼橫絕角并孤水出
花開香欲剗竹石落分莓苔敷飲啄不受愛者呼麾之
不去招之不來磊落豈有軒車汙上帝何不喚取歸清
都

畫鶴二首

明
陳憲章

千里乘風一舉迴霜毛曾不染纖埃若非緱氏山頭駕
定是衡陽郭外來

九臯清唳與天通更借吹噓鐵笛風五馬人生何足貴

仙家騏驎自行空

謝仲山送鶴圖

明
吳寬

東園白鶴似人長
花徑孤棲每自傷
粉墨如新初點染
羽毛依舊欲迴翔
只疑明月還留影
却恨空林不入行
對此忽為蘇子歎
誰能呼取下高堂

畫鶴篇

明
何景明

昔聞少保寫青田
古墨千年人不傳
郎君此幅何時得
蕭颯秋堂埽煙色
雪翎風翼如有神
萬里出海誰能馴

我初見此鳥重是仙人禽朝飲玉河消暮宿玄圃林回
首寒江鳬與鴈日晚哀鳴羨霄漢

蜀府命題所藏宣和瑞鶴圖

明

僧來復

宣和道君天帝子降靈下作長生主風流不混世間塵
清出冰壺湛秋宇前身雅是太霄君金編玉策多奇勛
感此仙禽四十翼朝真東度三山雲低回不肯去舞雪
依端門長鳴若有訴飛聲徹崑崙是時道君振衣起遙
聽鶴語通仙意濡毫為寫青田真龍香更灑親題字朱

頂凝丹砂白羽吹霜袂內府珍藏誰敢沽大貝南金爛
無比想當政和年善治談老莊遂令霞上仙控鶴森翺
翔一朝中原成永訣五國城高臥風雪此時老鶴如可
呼便欲騎之上天闕

題青松白鶴圖

元馬臻

道人手中五色筆青山拂起秋雲飛秋雲飛去青山在
白鶴一雙來翠微

題邊文進畫松鶴

明胡廣

邊生埽素寫孤鶴傍著長松倚雲壑天風吹墜銀河流
挂在丹崖九霄落松聲鶴唳水潺潺恍聆仙樂鳴空山
高秋爽籟度窈窕初疑蓬島非人間古稱善畫誰第一
畢宏薛稷皆名筆想應對此融心神毛髮颼颼也森栗
高堂見之若可招竦身逸氣凌沆寥卷簾只恐天上去
長松灑瀑空瀟瀟

題松鶴

明 金幼孜

薛公畫鶴藝殊絕真跡人間半磨滅玉堂退直見新圖

毛骨蕭疎渾彷彿丹砂作頂霜作翎迴立松梢壓蒼雪
試看挺特仙客姿軒昂豈是樊籠物萬里高搏遼海風
一聲清唳臨臯月忽然振翼將遠舉雲薄天空一超越
肯學池塘鷗鷺羣啄食卑汚外空潔懸之素壁玩且久
似是涼風起寥泬赤松異日許同遊偕爾翱翔向金闕

松鶴圖

明
陸深

遙空高秋萬里碧松露團團野花白藤梢橘刺紛陸離
細水涓涓遶雲石我疑此圖是玄圃中有雙禽鳴且舞

霜翎砂頂足生韻玄裳風輕月將午當家妙品在逼真
况是寫生須入神古來高人重圖畫欲令見者常如新
我聞胎仙三千歲摩挲此幅能幾世乃知丹青空爾為
別有不朽超絕藝

為彭文學題松鶴圖

明 張鳳翼

昂霄自可五千仞占夢須酬十八公豈必華陽陶處士
年年羨鶴聽松風

題松鶴

明 李本

長松風入漱雲濤老鶴離巢刷羽毛夜半道人騎過海
一輪秋月碧天高

題松厓睡鶴

明
謝廷柱

巔崖太古松忘老零露瀼瀼月杲杲高寒迴絕鳥不棲
上有千年雙鶴鵠松枝無風鶴睡穩不夢黃梁夢蓬島
我將喚醒雙夢魂飛去仙壇啄瑤草瑤草長春可奈何
萬里松崖跡如埽

題竹鶴

明
金幼孜

養就丹砂雪作團終朝俯啄近琅玕三山碧海休歸去
好向瑤池弄羽翰

題鶴鳴鵲噪圖

送陳明府入覲

明

張鳳翼

入覲紫宸朝寧辭驛路遙鶴鳴應和子鵲噪喜遷喬闕
下鳬為舄庭中樂是韶不須勞考績天聽徹歌謠

御定歷代題畫詩類卷九十三

欽定四庫全書叢要

御定歷代題畫詩類卷九十四目錄

禽類

畫鷹

唐杜甫

姜楚公畫角鷹歌

唐杜甫

楊監又出畫鷹十二扇

唐杜甫

觀劉永年團練畫角鷹

宋黃庭堅

題搨本姜楚公鷹

宋陸游二首

畫鷹 元馬祖常

畫鷹 元揭傒斯

雙鷹圖 元貢師泰三首

題畫鷹 元劉永之

題劉履初所藏莫慶善鷹 元郭鈺

題畫鷹 元李祁

題畫鷹 明高啓

墨鷹 明解縉二首

題畫鷹

明陳憲章二首

題霜林孤鷹圖

明何喬新

畫鷹

明李東陽

題莫慶善鷹

明李東陽

題畫鷹

明李東陽

題魯京尹所藏雙鷹圖

明李東陽

林良畫兩角鷹歌

明李夢陽

畫鷹

明程敏政

畫鷹

明吳寬

蒼鷹圖

明陸深

題畫鷹

明陸深

畫鷹

明徐渭

題鷹獵兔圖

唐和凝

鷹逐鷺圖

明張邦奇

王世賞席上題林良鷹熊圖

明李東陽

畫鵑行

唐杜甫

白鶻圖

宋司馬光

羣鶻古柏圖

元王惲

題篤御史海鶻圖

元傅若金

薛九宅觀雕狐圖

宋梅堯臣

雕狐圖

宋韋驥

固陵雪鵠圖

元王惲

子昂雪鵠

元歐陽玄

錦雞圖

明胡儼

山水錦雞圖

明程敏政

為人題錦雞

明陳煒

邊鸞雉

宋晁說之

題雙雉圖

元吳澄

題雙雉圖

元陳基

雪竹雙雉圖

元朱德潤

題王若水畫棘針野雉

元鄭東

畫雉

元唐肅

畫雉 明何孟春

桑下雉雞圖 明朱諫

題錢舜舉畫雞 元丁復

鬪雞圖 明周天球

畫雞 明吳寬

題山雞 明王世貞

為張固寫雞 明沈周

欽定四庫全書薈要卷一萬九千二百二

集部

御定歷代題畫詩類卷九十四

禽類

畫鷹

唐

杜甫

素練風霜起蒼鷹畫作殊
搜身思狡兔側目似愁胡
條鋏光堪摘軒楹勢可呼
何當擊凡鳥毛血灑平蕪

姜楚公畫角鷹歌

唐

杜甫

楚公畫鷹鷹戴角殺氣森
森到幽朔觀者貪愁掣臂
飛

畫師不是無心學此鷹寫真在左綿却嗟真骨遂虛傳
梁間燕雀休驚怕亦未搏空上九天

楊監又出畫鷹十二扇

唐
杜甫

近時馮紹正能畫鷲鳥樣明公出此圖無乃傳其狀殊
姿各獨立清絕心有向疾禁千里馬氣敵萬人將憶昔
驪山宮冬移含元仗天寒大羽獵此物神俱王當時無
凡材百中皆用壯粉墨形似間識者一惆悵干戈少暇
日真骨老崖嶂為君除狡兔會是翻羈上

觀劉永年團練畫角鷹

宋 黃庭堅

劉侯才勇世無敵，愛畫功夫亦成癖。
弄筆埽成蒼角鷹，殺氣稜稜動秋色。
爪拳金鉤背屈鐵，萬里風雲藏勁翮。
兀立槎枒不畏人，眼看青冥有餘力。
霜飛晴空塞草白，雲垂四野陰山黑。
此時軒然盡飛去，何乃嶢岼立西壁。
祇應真骨下人世，不謂雄姿留粉墨。
造次更無高鳥喧，等閑亦恐狐狸嚇。
旁觀未必窮神妙，乃是天機貫胸臆。
瞻想突兀摩空材，想見其人英武格。
傳聞揮毫頗容易。

持以與人無甚惜物逢真賞世所珍此畫他年恐難得

題搨本姜楚公鷹

二首

宋

陸游

憶昔呼鷹塞草枯妖狐狡兔笑談無明牕見畫空三歎
恍若霜郊遇獵徒

弓面霜寒斗力增坐思鐵馬蹴河冰海東俊鶻何由得
空看絳州舊畫鷹

畫鷹

元

馬祖常

側視窺霄漢低飛近草萊金羈時一脫肉飽更須回

畫鷹

元 揭傒斯

文梁五色條秋高意氣豪怒張兩目直霄漢豈與短翮
翔蓬蒿妖狐畫作猛虎嗥騶虞并與神麟逃嗟爾飽食
心空勞

雙鷹圖

三首

元 貢師泰

青松之下白石上攢身對立意沉沉妖狐狡兔莫漫喜
落日一呼煙草深

八月霜風吹雨毛何人為汝解金條雙翎如劒劈雲去

宇宙蒼茫秋氣高

雪羽初來東海頭
西風萬里白鷺秋
漢家不校長楊獵
應得將軍脫錦韉

題畫鷹

元
劉永之

猶記鳴鞘出灞陵
新豐市北醉呼鷹
於今豪氣都消盡
閒看新圖剔鴈燈

題劉履初所藏莫慶善鷹

元
郭鈺

日光懸秋雙翮齊
欲飛不飛愁雲低
足無絛錠腹無食

空林尚恐難安棲筆力精到天機微莫生所畫詩我題
君不見天下太平角端語狐兔草間何足數

題畫鷹

元
李 祁

勁翮排霜戟天寒氣轉驕草間狐兔盡側目望青霄

題畫鷹

得嘯
字

明
高 啓

高風動古壁竦立見蒼鷄軒然欲飛揚嗟此粉墨妙秋
筋束老骨天寒勢逾矯腦枯草中兔氣盡檻上驃健鶻
雖百餘凡材豈同調乾坤正肅殺怒氣號萬竅大野開

平蕪悲臺落殘照
荒城有妖狐
夜作猛虎嘯
為君試一擊
壯士慙勇剽
安能飽拳肉
側翅隨年少

墨鷹 二首

解縉

凜凜東風日未西
珊瑚枝上暫幽棲
千山萬怪藏踪跡
野曠青天不敢啼

黑鷹度海下林巒
怒目雄驚膽氣寒
良史筆端參造化
為留英氣畫中看

題畫鷹 二首

明 陳憲章

秋風垂翅下雲衢
野性翩翩不受羈
欲借一枝江畔宿
等閑花鳥莫相疑

落日平原散鳥羣
西風爽氣動秋旻
江邊老樹身如鐵
獨立槎枒一欠伸

題霜林孤鷹圖

明
何喬新

霜林搖落秋天迴
鷲鳥摩空風力勁
大鵬却避狡兔愁
老樹無聲萬山靜
喬柯獨立何雄哉
金眸玉爪非凡材
健翮孤騫晴雪落
老拳怒攫寒雲開
荒城古社多狐鼠

悶騎荆榛嘯煙雨乘秋一掃妖穴空萬里寒霄看高翥

畫鷹

明
李東陽

卑枝詰屈高枝舉小鷹低回大鷹怒殺氣森森動碧寥
千山落葉紛無數雲霄意槩風霜姿傲睨六合無雄雌
夢迷東海未歸路興在秋原初下時吁嗟乎巢有羽兮
穴有肉莫遣鷁鷺空側目

題莫慶善鷹

為袁生
大鶚賦

明
李東陽

昔年從羽獵高入萬重雲尚有冲霄志難忘報主恩

題畫鷹

送羅緝熙南歸

明

李東陽

大鷹猙獰爪決石側目高堂睨秋碧小鷹屈伏俯且窺
威而不揚豈其雌雌雄起伏各異態意氣相看出塵壒
獨立羞將衆羽羣高飛怕有浮雲礙山寒木落天始風
日色慘淡川原空人間狐兔自有地慎勿反擊傷鵝鴻
畫圖彷彿是誰作宛似懸鞬臂間落高堂匹練長風生
萬里炎荒盡幽朔我生奇氣空嶙峋揮毫對此不無神
送渠羽翼朝天去亦是雲霄得意人

題魯京尹所藏雙鷹圖

明 李東陽

霜風撼撼空林響朔氣隨空入蕭爽兩鷹意氣殊絕羣
俯視平川如一掌玄雲著樹凝不飛野日照地寒無輝
攬身欲下不肯下似覺深山狐兔稀丹青落手翩欲活
講上驚看錦條脫江湖浩蕩煙水深萬里陽臺渺天末
時維八月炎暑空兩鷹角立如爭雄周旋九紘隘八極
此意豈在風塵中知公有才非搏擊我意亦欲辭樊籠
祇應共逐鵷鸞去去上丹山十二重

林良畫兩角鷹歌

明 李夢陽

百餘年來畫禽鳥，後有呂紀前邊昭二子。工似不工意
吮筆決，皆分毫毛。林良寫鳥，祇用墨開縑。半埽風雲黑，
水禽陸禽各臻妙。挂出滿堂皆動色，空山古林江怒濤。
兩鷹突出霜厓高，整骨刷羽意勢動。四壁六月生秋飈，
一鷹下視睛不轉。已知兩眼無秋毫，一鷹掉頭復欲下。
漸覺颭颭開風毛，匹綃雖慘澹殺氣不可滅。戴角森森
爪拳鐵，迴如愁胡皆欲裂。朔雲吹沙秋草黃，安得臂爾

騎駟鐵草間妖鳥盡擊死萬里晴空灑毛血我聞宋徽
宗亦善貌此鷹後來失天子餓死五國城乃知圖寫小
人藝工意工似皆虛名校獵馳騁亦未事外作禽荒古
有經今皇恭默罷游燕講經日御文華殿南海西湖馳
道荒獵師虞長俱貧賤呂紀白首金爐邊日暮還家無
酒錢從來上智不貴物淫巧豈敢陳王前良乎良乎寧
使爾畫不直錢無令後世好畫兼好畋

畫鷹

當湖
獨立

明

程敏政

一瞬青霄萬里風
草間狐兔幾回空
不知歛迹驚濤裏
却是千人百購中

畫鷹

明 吳寬

林塘秋晚木葉稀
瞥然如塞原
憲衣野鷹木末俯首睨
豈欲供爾清晨飢
嚴霜塗塗百草腓
平郊且莫張虞機
天空海闊羽翮健
終當一擊奮我威
區區鶉鳥何足數
草間任爾東西飛

蒼鷹圖

明 陸深

蒼鷹瞥地風蕭蕭
孤邪兔邪狂欲跳
老拳未放輕一攫
側目政爾愁雙翹
天空秋老關塞晚
落日孤林萬山遠
覽圖令人氣滿膺
荆榛匝地移蘭畹
林生五嶺太平人
何事落筆心先噉
忠貞立朝奸佞懼
貔虎負壑山林春
錦衣周君人中傑
意氣要與圖爭烈
封侯萬里看下韉
一灑平蕪遍毛血

題畫鷹

明陸深

素練秋高草樹枯
來從東海勢應孤
即看一擊還千里

更愛凌風不受呼

畫鷹

明 徐渭

閩南縞練光浮膩傳真誰寫蒼厓鷺生相由來不附人
綠韞空著將軍臂八月九月原草稀百鳥高高兔走肥
煙中斂翼遠不下節短暗合孫吳機此時一中貴決意
深林燕雀何須避惟將搏擊應涼風誰貪飽嚮矜山雉
昨見少年向南市買鷹欲放平原轡凡才側目飽人餒
不似畫中有神氣夜來鴟鴞作精魅安得放此向人世

秋風一試刀稜翅

題鷹獵兔圖

唐和凝

雖是丹青物沉吟亦可傷
君誇鷹眼疾我憫兔心忙
豈動騷人興惟增獵客狂
鮫綃百餘尺爭及製衣裳

鷹逐鷺圖

明張邦奇

我觀羣鳥中除却蒼鷹盡凡羽
君不見黃金眸白玉距
凌空一下急於雨鷺鷥何不早竄伏
到此驚奔向何許
憶昔在林臯翻飛矜羽毛
羽毛雖好不中用憑君識取

真英豪

王世賞席上題林良鷹熊圖

明

李東陽

坡陁連延出林麓孤鷹盤拏能踞伏金眸耀日開蒼煙
健尾捎風起平陸由來異物乃同性意氣飛揚兩撐矗
山跑野掠紛路岐何事相逢輒相肉側睨翻疑批吭來
迅步直欲空壁逐乾坤蒼茫色慘淡落木蕭颼滿空谷
羣豺斂跡百鳥停萬里長空齊注目是誰畫者誠崛竒
筆勢似與渠爭速坐間賓客皆起避階下兒童駭將蹴

當筵看畫催索詩卷帙不待高閣東平生搏擊非我才
欲賦真愁成刻鵠微酣對此髮雙豎酒令詩籌復相督
頓令拙劣成粗豪一飲步兵三百斛

畫鵲行

唐
杜甫

高堂見生鵲颯爽動秋骨初驚無拘攣何得立突兀乃
知畫師妙巧刮造化窟寫此神俊姿充君眼中物烏鵲
滿膠枝軒然恐其出側腦看青霄寧為衆禽沒長翮如
刀劒人寰可超越乾坤空崢嶸粉墨且蕭瑟緬思雲沙

際自有煙霧質吾今意何傷顧步獨紆鬱

白鵲圖

宋
司馬光

白鵲日邊來一息萬里遙橫飛碧海晴六翮寒蕭蕭輕
如朔雪花迴與長風飄傾身疊紺爪吟嘯何哮嘒瞥來
疾驚電欵起先扶搖遂令狐與狸不敢矜凶妖尉羅不
可取滅影還雲霄世人莫得見粉繪圖輕綃凜然堂牖
間霜氣生春潮風雨夜如墨古木無鳴梟

羣鵲古柏圖

元
王惲

振翮蒼巖控老拳
霜空物不隔秋煙
料應攫裂脩蛇後
相與朋來一砉然

題篤御史海鵑圖

元 傅若金

空庭海鵑誰所狀
海氣初高鵑神王
雲脚西騰弱水涯
潮頭東出飛霞上
此時扶桑色始分
下視百鷲空其羣
日中金烏側相避
籬下凡禽何足論

薛九宅觀雕狐圖

宋 梅堯臣

蜀中處士李懷衮
手畫皐雕擒赤狐
猛爪入頰鬚迸血

短尾獨使窮蹄鋪雕爭怒力狐爭死二物形意無纖殊
一禽一獸固已別硬羽軟毛非筆摹入君此室見此圖
如在原野從馳驅

鵬狐圖

宋
韋 驤

戢翼下雲中驚狐計遂窮筆端傳擊搏座上感英雄猛
勢看如活妖鬼覺已空椎姦當若此不獨畫為工

固陵雪鵲圖

元
王 惲

殷鑒前王有覆車三韓風雪儘愁予長江飲馬年年事

筆底寒禽辨得無

子昂雪鵲

元 歐陽玄

水晶宮裏文章伯當世誰知翰墨名
賴有瀛洲光價在
不曾承詔寫鵲鵲

錦雞圖

明 胡儼

昔聞楚人不識鳳忽見山雞重購之
我今畫圖寫生態
羽毛五色光陸離扶桑天雞啼一聲
陽烏散彩天下晴
此時山雞亦出谷喔喔飛來耀林麓
千巖萬壑含東風

杏花吹香春雪紅
顧影徘徊自愛惜
揚翹聳翅紛蒙茸
竹上花間日正高
向陽吐綬垂花條
吳綾蜀錦織不得
戴勝偷眼驚伯勞
切莫臨溪照碧流
對鏡逢人舞便休
舞多目炫終顛仆
世人空詫韋公賦

山水錦雞圖

明
程敏政

平原空笑弋人勞
山木青蔥護錦毛
何處晚風堪顧影
石泉澄澈見秋毫

為人題錦雞

明
陳煒

虬枝翻老圃下有雙錦衣曾籠貢天子刷羽依晴暉

邊鸞雉

宋晁說之

駭雉丹青人姓邊無花無石自瞿然已能倚壁音聲絕
何用蹲飛欲上天

題雙雉圖

元吳澄

一昂一俛意閑閑未覺幽棲飲啄慳竹實儻能來彩鳳
也應寫入畫圖間

題雙雉圖

元陳基

馬蹄朝踏杜陵塵
野雉飛來不避人
況是太平遊獵少
上陽風日自成春

雪竹雙雉圖

元

朱德潤

雪壓林梢竹倒垂
石邊雙雉欲驚飛
天寒野靜尋餘粟
猶勝樊籠刺錦衣

題王若水畫棘針野雉

元

鄭東

雉于翔有燧其章隱而弗見於雉何傷
雉于止翟翟其尾雖離於棘於雉何恥
雉于雖孰捫爾喙凡民多言亦

孔之疾

畫雉

元

唐肅

萬里越裳國珍禽來獻初不知周太保方作旅獒書

畫雉

明

何孟春

小羽親依帝袞光名輦曾繡五文章年來卜貢思無色
應向周家獻越裳

桑下雉雞圖

明

朱諫

華蟲刷羽驕春陽雄飛呼雌下山梁灌木叢花動顏色

錦雲爛熳呈天章朝飛不見牧犢子援琴誰復諧宮商
何似中年得春暖馴行啄食依柔桑高墉一射呈餘巧
繁弱漫誇弓力強雉子斑傳畫工筆翻思往事皆塵迹
塞耳不聽時大夫

題錢舜舉畫雞

元 丁 復

花前爭雄兩角勇花後伏雌孤哺雖忘身縱欲作花伍
鬪雞圖

明 周天球

英年曾入鬪雞場金距狸膏事已荒惟有雄心忘未得

披圖猶自問低昂

畫雞

明 吳寬

杜翁昔賦縛雞行
韓子曾聯鬪雞句
朱冠鐵距本同形
勇怯在人分感遇
雞邪被縛良可嗟
鬪雞雖勇何足誇
爭如此雞只獨立
昂然不屬詩人家

題山雞

明 王世貞

莫怪殷勤學鳳凰
祇因毛羽有文章
騶虞已自新頽朔
平慮於今復拜郎

為張固寫雞

明
沈周

黃卷青衿子紅冠碧距雞要知勤讀處須候五更啼

御定歷代題畫詩類卷九十四



總校官庶吉士臣侍朝

校對官庶吉士臣徐立綱

膳錄監生臣范楠

膳錄監生臣魏鎔